

PRULink Global Growth Fund

Semua data seperti pada 31 Disember 2024 melainkan jika dinyatakan

Ciri-ciri Dana

Objektif Pelaburan	PRULink Global Growth Fund (“Dana”) bertujuan untuk menjana pulangan jangka masa panjang dengan melabur terutamanya dalam portfolio aset-aset global termasuk ekuiti, sekuriti berkaitan ekuiti, deposit, mata wang, derivatif atau mana-mana instrumen kewangan yang lain secara langsung, dan/atau tidak langsung menerusi penggunaan mana-mana dana.
Strategi Pelaburan & Pendekatan	Dana ini akan melabur terutamanya dalam dana-dana pelaburan [Dana Sub] untuk mencapai objektif pelaburan. Dana(-dana) Sub akan dipantau untuk menilai prestasi, proses, gaya dan kedudukan. Peruntukan ke, atau Dana(-dana) Sub mungkin berubah jika dianggap tidak sesuai untuk memenuhi objektif Dana. <i>Nota: Rujuk kepada maklumat tambahan untuk butir-butir Dana(-dana) Sub.</i>
Peruntukan Aset	Dana ini akan melabur sehingga 100% Nilai Aset Bersih (NAV) Dana dalam Dana (-dana) Sub yang ditentukan oleh Pengurus Dana. Baki Nilai Aset Bersih (NAV) Dana akan dilaburkan dalam aset cair.
Piawaian Prestasi	Piawaian prestasi aras akan berubah mengikut Dana(-dana) Sub. Pada permulaan, penanda aras adalah: MSCI AC World Index <i>Untuk maklumat lanjut berkenaan penanda aras sila layari www.msci.com</i>
Pengurus Dana	Prudential Assurance Malaysia Berhad 198301012262 (107655-U)

Yuran & Caj


Caj Pengurusan Dana	1.50% setiap tahun
Other Charge, if any	Tiada

PRULink Global Growth Fund

Semua data seperti pada 31 Desember 2024 melainkan jika dinyatakan

Prestasi Dana

PRULink Global Growth Fund Vs. MSCI AC World Index



Nota: Graf-graf adalah bagi tujuan penjelasan sahaja. Prestasi masa lalu bukan tanda prestasi masa depannya.

Tahun	Prestasi PRULink Global Growth Fund	Piawaian Prestasi 100% MSCI AC World Index
2020	12.48%*	13.43%*
2021	15.32%	16.68%
2022	-23.28%	-19.80%
2023	15.18%	20.09%
2024	1.20%	15.73%

* Prestasi dana adalah dari tarikh lancar dana sehingga akhir tahun untuk tahun yang sama (pulangan bukan tahunan).

Sumber: Lipper IM dan Bloomberg, 31 Disember 2024

Notis: Prestasi dana masa lalu bukan tanda prestasi masa depannya. Ini hanya adalah bagi prestasi dana pelaburan / dasar, dan bukan pulangan daripada premium yang dibayar oleh produk insurans berkaitan pelaburan.

PRULink Global Growth Fund

Semua data seperti pada 31 Disember 2024 melainkan jika dinyatakan

Asas kiraan prestasi masa lalu:

$$= \left(\frac{\text{Nilai Aset Bersih pada akhir Tahun } n}{\text{Nilai Aset Bersih pada akhir Tahun } n - 1} - 1 \right) \%$$

Maklumat tambahan untuk PRULink Global Growth Fund

Dana ini akan melabur dalam Dana Sub yang dikenali sebagai United Global Quality Equity Fund – MYR Hedged Class (“Dana Sub”) yang diuruskan oleh UOB Asset Management (Malaysia) Berhad. Dana Sub, pula, terlingkungi dalam United Global Quality Growth Fund (class Z USD Dist) (“Dana Sasaran”) yang diuruskan oleh UOB Asset Management Ltd, Singapore (“Pengurus Dana Sasaran”) dan diuruskan secara sub oleh Lazard Asset Management LLC (“Pengurus Sub bagi Dana Sasaran”).

Dana Sub bertujuan untuk mencapai objektif pelaburan dengan melabur sebanyak minimum 90% daripada NAV dalam Dana Sasaran pada sepanjang masa. Dengan itu, Dana Sub akan mempunyai strategi pasif kerana semua keputusan pelaburan akan dilakukan pada peringkat Dana Sasaran.

Pengurus Dana Sub mungkin menggunakan derivatif kewangan seperti opsyen, kontrak niaga, kontrak hadapan dan penukaran untuk tujuan lindung nilai. Pengurus Dana Sub mungkin juga mengambil kedudukan pertahanan sementara yang mungkin tidak konsisten dengan strategi pelaburan Dana Sub sebagai respons terhadap keadaan ekonomi, politik atau sebarang pasaran yang tidak baik. Dalam keadaan-keadaan tersebut, Dana Sub mungkin memegang sehingga 100% daripada NAV dalam aset-aset cair sebagai strategi pertahanan.

Dana Sasaran bertujuan untuk memberikan pulangan jangka masa panjang dengan melabur dalam ekuiti dan sekuriti berkaitan ekuiti bagi syarikat-syarikat tersenarai dan diniagakan di bursa saham secara global.

Dana Sasaran fokus dalam mengenal pasti syarikat-syarikat peneraju pasaran (“Syarikat Pertumbuhan Berkualiti”), yang mana Pengurus Sub bagi Pengurus Dana Sasaran percaya mempunyai keupayaan untuk mengekalkan tahap produktiviti kewangan yang tinggi (yang dinilai dengan ukuran pulangan ke atas modal seperti pulangan ke atas ekuiti atau pulangan pelaburan aliran tunai) dan yang berada dalam kedudukan untuk melabur semula aliran tunai kembali ke dalam perniagaan mereka pada kadar pulangan yang sama menarik.

Dana Sasaran melabur terutamanya dalam sekuriti ekuiti. Tertakluk kepada perkara di atas, Dana Sasaran boleh melabur dalam sekuriti lain termasuk, tanpa had, dana dagangan bursa dan sekuriti berkaitan ekuiti seperti resit depositari. Walaupun Dana Sasaran tidak dikekang oleh permodalan pasaran, negara, sektor atau industri, syarikat yang ingin dilaburkannya biasanya mempunyai permodalan pasaran melebihi USD3 bilion dengan jumlah dagangan yang mencukupi.

Proses pelaburan Dana Sasaran bermula dengan penilaian kelompok besar sekuriti-sekuriti. Selepas itu, kelompok yang sesuai untuk pelaburan akan dikurangkan kepada satu set idea pelaburan berpotensi yang ditapis melalui pasukan penganalisis penyelidikannya dan melalui alat pelaburan proprietari yang mengenal pasti syarikat dengan corak metrik produktiviti kewangan yang memenuhi tahap ambang untuk portfolio. Dana Sasaran kemudiannya menggunakan pendekatan pelaburan dari bawah ke atas dan penyelidikan asas proprietari untuk mengenal pasti Syarikat Pertumbuhan Berkualiti yang memenuhi fokus pelaburannya. Dana Sasaran mempertimbangkan pelbagai maklumat merentas pangkalan data seperti penyata kewangan syarikat, pendapatan, analisis industri dan kajian akademik bersama-sama

PRULink Global Growth Fund

Semua data seperti pada 31 Disember 2024 melainkan jika dinyatakan

dengan sumber lain seperti pembekal syarikat, pesaing atau pengawal selia. Dana Sasaran juga akan mempertimbangkan metrik seperti kualiti dan penilaian:

- **Kualiti:** Dana Sasaran bertujuan untuk mengenal pasti syarikat yang mempunyai keupayaan untuk mengekalkan tahap produktiviti kewangan yang tinggi dan peluang untuk melabur semula dalam perniagaan.
- **Penilaian:** Pengurus Sub bagi Dana Sasaran menggabungkan keputusan analisis asasnya ke dalam satu set jangkaan untuk produktiviti kewangan masa hadapan dengan tujuan untuk mengenal pasti syarikat yang berdagang di bawah nilai intrinsik mereka.

Instrumen derivatif kewangan, seperti kontrak hadapan, kontrak niaga, kontrak opsyen dan penukaran, boleh digunakan atau dilaburkan untuk tujuan melindungi nilai kedudukan sedia ada, pengurusan portfolio yang cekap atau gabungan kedua-dua tujuan. Sebahagian daripada aset Dana Sasaran boleh disimpan dalam pelaburan cair atau tunai untuk tujuan kecairan.

Prestasi dana bagi dasar Dana Sub United Global Quality Equity Fund - MYR Hedged Class pada 31 Disember 2024 adalah seperti berikut:

Tahun	2024	2023	2022	2021	2020	2019	2018	2017	2016
Prestasi Bersih	0.96%	16.47%	-25.59%	15.89%	16.15%	28.28%	-2.21%	24.15%	-2.28%*

* Prestasi dana adalah dari tarikh lancar dana sehingga akhir tahun untuk tahun yang sama (pulangan bukan tahunan).

Nota: Pulangan di atas adalah untuk Dana Sub (MYR-Hedged Class) yang berdenominasi dalam MYR, diuruskan oleh UOB Asset Management (Malaysia) Berhad.

Sumber: UOBAM pada 31 Disember 2024

Prestasi dana bagi dasar Dana Sasaran United Global Quality Growth Fund (class Z USD Dist) pada 31 Disember 2024 adalah seperti berikut:

Tahun	2024	2023	2022	2021	2020	2019	2018	2017	2016
Prestasi Bersih	5.68%	21.77%	-24.72%	3.00%	20.10%	29.39%	-2.83%	26.00%	-2.60%*

*Prestasi dana adalah dari tarikh lancar dana sehingga akhir tahun untuk tahun yang sama (pulangan bukan tahunan).

Nota: Pulangan di atas (2016-2024) adalah untuk Dana Sasaran yang berdenominasi dalam USD, diuruskan secara sub oleh Wellington Management Singapore Pte. Ltd. sehingga 31 Ogos 2023, dan berkuat kuasa dari 1 September 2023 akan diuruskan secara sub oleh Lazard Asset Management LLC. Untuk pulangan di atas (2016 - 2020) adalah daripada United Global Quality Growth class USD Dist dan pulangan (2021 – 2024) adalah daripada United Global Quality Growth class Z USD Dist.*

Sumber: UOBAM pada 31 Disember 2024

Yuran pengurusan boleh dikenakan pada pada peringkat Dana, Dana Sub dan/atau Dana Sasaran. Sila ambil perhatian bahawa anda akan dikenakan caj maksima sebanyak 1.50% setahun, yang merupakan gabungan bagi caj pengurusan dana tahunan pada peringkat Dana, Dana Sub dan Dana Sasaran. Sebagai tambahan, Dana mungkin menanggung kos lindung nilai apabila derivatif (e.g. kontrak depan mata wang) digunakan untuk tujuan melindungi nilai.

PRULink Global Growth Fund

Semua data seperti pada 31 Disember 2024 melainkan jika dinyatakan

Dana Sub dan Dana Sasaran dengan strategi pelaburan yang melabur dalam Dana Dagangan Bursa ("ETF") atau Skim Pelaburan Kolektif yang lain mungkin dikenakan yuran tambahan pada peringkat Dana Sub dan Sasaran yang diambil sebagai sebahagian daripada pertimbangan strategi pelaburan untuk meningkatkan prestasi dana.

Risiko-Risiko Pelaburan bagi PRULink Global Growth Fund

Dana ini tertakluk kepada risiko-risiko pelaburan termasuk kemungkinan kehilangan amaun pokok yang dilaburkan. Nilai unit mungkin turun dan juga naik. Selain itu, Dana ini juga tertakluk kepada risiko tertentu termasuk dan tidak terhad kepada:

Risiko-Risiko Umum apabila Melabur dalam Dana ini

Risiko Pasaran

Risiko pasaran merujuk kepada potensi kerugian yang mungkin dialami akibat perubahan-perubahan buruk dalam keadaan pasaran. Keadaan pasaran secara umumnya, dijejaskan oleh, di antara lain-lain, kestabilan ekonomi dan politik. Jika pasaran di mana Dana ini melabur mengalami kelembapan atau ketidakstabilan akibat keadaan ekonomi atau politik yang buruk, ini boleh memberi kesan negatif kepada harga pasaran pelaburan bagi Dana ini.

Risiko Kecairan

Risiko kecairan ini merujuk kepada dua senario. Senario pertama adalah di mana pelaburan tidak boleh dijual akibat ketiadaan pembeli untuk pelaburan tersebut. Senario kedua adalah di mana pelaburan tersebut merupakan dagangan kecil. Sekiranya pelaburan dalam Dana Sasaran merupakan dagangan kecil, ini boleh menyebabkan Dana ini untuk melepaskan pelaburan tersebut pada harga yang tidak menguntungkan di pasaran dan boleh memberi kesan negatif kepada pelaburan pelabur. Risiko ini boleh dikurangkan melalui proses pemilihan sekuriti yang ketat.

Risiko Inflasi

Risiko ini merujuk kepada kemungkinan pelaburan pelabur tidak seiring dengan inflasi, maka mengakibatkan kekurangan kuasa beli pelabur walaupun pelaburan dalam segi kewangan mungkin telah meningkat.

Risiko Kadar Faedah

Risiko kadar faedah adalah risiko am yang mempengaruhi dana konvensional. Perkara ini tetap terjadi walaupun dana konvensional hanya melabur dalam pelaburan yang mengikut mandat. Sebab untuk ini adalah kerana tahap kadar faedah yang tinggi akan menjejaskan keuntungan syarikat yang tidak dapat dielakkan dan memberi kesan kepada nilai kedua-dua ekuiti dan sekuriti hutang. Risiko ini amat penting dalam dana bon kerana pengurusan portfolio bon bergantung kepada ramalan pergerakan kadar faedah. Harga bon bergerak bertentangan dengan pergerakan kadar faedah, oleh itu apabila kadar faedah meningkat, harga bon menurun dan sebaliknya. Tambahan pula, bon dengan tempoh matang yang lebih panjang dan kadar keuntungan yang lebih rendah adalah lebih sensitif terhadap pergerakan kadar faedah.

Risiko Kredit / Kemungkiran

Bon adalah terdedah kepada risiko kredit / kemungkiran sekiranya penerbit instrumen tersebut menghadapi masalah kewangan, yang boleh mengurangkan kebolehpercayaan kredit mereka. Ini mungkin boleh menjurus kepada pengingkaran dalam pembayaran wang pokok dan faedah.

PRULink Global Growth Fund

Semua data seperti pada 31 Disember 2024 melainkan jika dinyatakan

Risiko Ketidakpatuhan

Risiko ini timbul daripada ketidakpatuhan dengan undang-undang, peraturan dan undang-undang, praktik-praktik yang ditetapkan serta dasar dan prosedur dalaman syarikat pengurusan, contohnya, akibat kesilapan syarikat pengurusan. Ketidakpatuhan ini boleh memaksa syarikat pengurusan untuk menjual sekuriti-sekuriti Dana ini dengan kerugian untuk membetulkan ketidakpatuhan dan maka menjejaskan nilai pelaburan pelabur dalam Dana ini. Untuk mengurangkan risiko ini, kawalan dalaman telah disediakan oleh Pengurus Dana untuk menegaskan pematuan undang-undang, peraturan dan undang-undang, praktik-praktik yang ditetapkan serta dasar dan prosedur dalaman Pengurus Dana dengan berterusan.

Risiko Tumpuan

Ini adalah risiko dana memberi tumpuan sebahagian besar asetnya dalam pilihan pelaburan yang lebih kecil. Kejatuhan harga ekuiti tertentu dan / atau pelaburan pendapatan tetap akan memberi kesan yang lebih besar kepada dana dan dengan itu menyebabkan kerugian lebih besar. Risiko ini boleh dikurangkan oleh pengurus dengan melakukan analisis asas yang lebih teliti sebelum melabur dalam setiap sekuriti.

Risiko Syarikat Pengurusan

Prestasi Dana bergantung kepada pengalaman, kecekapan dan pengetahuan syarikat pengurusan. Sekiranya syarikat pengurusan mempunyai kekurangan dalam kualiti-kualiti di atas, ia mungkin akan memberi kesan buruk kepada prestasi Dana.

Risiko Mata Wang

Dana ini berdenominasi dalam MYR, manakala Dana(-dana) Sub dan Dana(-dana) Sasaran mungkin berdenominasi dalam mata wang lain. Prestasi Dana mungkin dipengaruhi oleh pergerakan dalam kadar penukaran antara mata wang MYR dan mata wang denominasi Dana(-dana) Sub dan Dana(-dana) Sasaran. Di mana berkenaan, instrumen lindung nilai mata wang atau kelas dana lindung nilai mata wang daripada Dana(-dana) Sub dan/atau Dana(-dana) Sasaran mungkin digunakan untuk meminimumkan risiko mata wang.

Risiko Derivatif

Derivatif mungkin digunakan untuk melindungi nilai daripada sebarang risiko yang mungkin dikaitkan dengan melabur dalam Dana(-dana) Sub dan/atau Dana(-dana) Sasaran, seperti, tetapi tidak terhad kepada, risiko mata wang.

Risiko Portfolio

Dana ini bertujuan untuk pelabur yang boleh menerima risiko yang berkaitan dengan pelaburan terutamanya dalam sekuriti yang dipegang dalam Dana. Pelaburan dalam ekuiti akan tertakluk kepada risiko yang berkaitan dengan ekuiti dan sekuriti yang berkaitan dengan ekuiti, termasuk naik turun harga pasaran, penerbit buruk atau maklumat pasaran dan hakikat bahawa ekuiti dan faedah yang berkaitan dengan ekuiti adalah lebih rendah dalam hak pembayaran dari sekuriti korporat lain, termasuk sekuriti hutang. Begitu juga, pelaburan dalam sekuriti pendapatan tetap tertakluk kepada risiko yang berkaitan dengan sekuriti hutang termasuk risiko kredit dan risiko kadar faedah, dan risiko tambahan yang berkaitan dengan sekuriti hutang hasil tinggi, penyertaan dalam pinjaman dan sekuriti derivatif. Di samping itu, pelabur harus sedar tentang risiko yang berkaitan dengan teknik pengurusan aktif yang dijangka akan digunakan oleh Dana.

Risiko Kemampanan

Dana mempunyai ciri-ciri alam sekitar dan/atau sosial. Ini bermakna ia mungkin mempunyai pendedahan terhad kepada sesetengah syarikat, industri atau sektor dan mungkin melepaskan peluang pelaburan tertentu, atau melupakan pegangan tertentu, yang tidak sejajar dengan kriteria kemampanannya. Oleh itu, Dana mungkin berprestasi rendah dana lain yang tidak menggunakan kriteria yang sama. Dana mungkin melabur dalam syarikat yang tidak mencerminkan kepercayaan dan nilai mana-mana pelabur tertentu.

PRULink Global Growth Fund

Semua data seperti pada 31 Disember 2024 melainkan jika dinyatakan

Risiko Pengecualian

Dana tidak mempunyai pengecualian ketat bagi syarikat yang terdedah kepada risiko alam sekitar, sosial dan tadbir urus ("ESG") di bawah ambang tertentu seperti syarikat dengan hasil yang dijana daripada pengeluaran arang batu haba dan penjana kuasa arang batu haba.

Risiko-Risiko Khusus apabila Melabur dalam Dana Sub

Risiko Strategi Pasif

Dana Sub mengambil strategi pasif dengan melabur minimum 90% daripada NAV dana ke dalam Dana Sasaran pada setiap masa. Strategi pasif ini mungkin mengakibatkan Dana Sub terdedah kepada risiko penurunan NAV dana apabila NAV Dana Sasaran menurun. Semua keputusan pelaburan atas Dana Sasaran adalah di bawah pengurus dana bagi Dana Sasaran.

Risiko Mata Wang

Pelaburan bagi Dana Sub mungkin berdenominasi dalam mata wang selain daripada mata wang dasar, sebarang naik turun dalam kadar pertukaran di antara mata wang dasar dan mata wang bagi pelaburan-pelaburan yang berdenominasi mungkin akan memberikan kesan kepada nilai pelaburan-pelaburan ini.

Dalam kes ini, Dana Sub akan melabur ke dalam Class Z USD Dist bagi Dana Sasaran yang berdenominasi dalam USD. Oleh itu, naik turun kadar pertukaran USD terhadap MYR mungkin memberikan kesan kepada NAV Dana Sub, dan secara langsung NAV per unit Dana Sub.

Pelabur dalam MYR Hedged Class bagi Dana Sub akan tertaluk kepada risiko mata wang yang lebih rendah pada peringkat Dana Sub kerana Pengurus akan mengurangkan risiko dengan melindungi nilai terhadap pendedahan mata wang asing. Pelabur harus ambil tahu bahawa dengan mengambil tindakan lindung nilai ini, pelabur tidak dapat menikmati pulangan tambahan mata wang apabila pergerakan naik turun USD baik terhadap MYR. Kos urus niaga tambahan bagi perlindungan nilai juga akan ditanggung oleh pelabur dalam MYR Hedged Class bagi Dana Sub.

Risiko Derivatif

Derivatif mungkin mempunyai potensi untuk digunakan untuk melindungi nilai terhadap sebarang risiko yang mungkin terhasil daripada pelaburan ke dalam Dana Sasaran, seperti, tetapi tidak terhad kepada, risiko mata wang.

Risiko Kesedaran Wajib bagi Dana Sasaran

Oleh kerana Dana Sub akan melabur minimum 90% daripada NAV dana ke dalam Dana Sasaran, sebarang keadaan bagi kesedaran wajib yang berlaku ke atas Dana Sasaran akan mempunyai kesan kepada Dana Sub.

Dalam keadaan berikut, Pengurus Dana Sub, akan berunding dengan pemegang amanah, akan melakukan perjumpaan antara pemegang unit untuk membuat keputusan sama ada menamatkan Dana Sub atau menggantikan dengan Dana Sasaran dengan dana sasaran baru yang mempunyai objektif pelaburan yang sama.

Risiko Kemampanan

Dana mempunyai ciri-ciri alam sekitar dan/atau sosial. Ini bermakna ia mungkin mempunyai pendedahan terhadap kepada sesetengah syarikat, industri atau sektor dan mungkin melepaskan peluang pelaburan tertentu, atau melupakan pegangan tertentu, yang tidak sejajar dengan kriteria kemampanannya. Oleh itu, Dana mungkin berprestasi rendah dana lain yang tidak menggunakan kriteria yang sama. Dana mungkin melabur dalam syarikat yang tidak mencerminkan kepercayaan dan nilai mana-mana pelabur tertentu.

PRULink Global Growth Fund

Semua data seperti pada 31 Disember 2024 melainkan jika dinyatakan

Risiko Pengecualian

Dana tidak mempunyai pengecualian ketat bagi syarikat yang terdedah kepada risiko ESG di bawah ambang tertentu seperti syarikat dengan hasil yang dijana daripada pengeluaran arang batu haba dan penjaan kuasa arang batu haba.

Risiko-Risiko Khusus apabila Melabur dalam Dana Sasaran

Risiko Sekuriti

Pergerakan harga yang buruk sekuriti tertentu dilaburkan oleh Dana Sasaran boleh memberi kesan negatif kepada nilai aset bersih Dana Sasaran. Pengurus Dana Sasaran berusaha untuk mengurangkan kesan risiko sekuriti tertentu melalui kepelbagaian portfolio, yang akan membantu dalam penyebaran unsur risiko.

Risiko Pengurusan Dana Sasaran

Walaupun Pengurus Dana akan menggunakan kemahiran dan kecermatan yang sewajarnya dalam memilih Dana Sasaran, ia tidak mempunyai kawalan dalam pengurusan Dana Sasaran dan objektif pengurusan akan dipenuhi adalah tidak dijamin. Ini mungkin menyebabkan pemegang-pemegang polisi mengalami kerugian dalam pelaburan mereka dalam Dana Sasaran.

Dana Sasaran mungkin mengubah objektifnya dan menjadi tidak selaras dengan objektif Dana ini. Dalam keadaan itu, Pengurus Dana akan menggantikan Dana Sasaran dengan skim pelaburan kolektif lain yang Pengurus Dana menganggapnya lebih sesuai untuk memenuhi objektif Dana ini.

Risiko Kesilapan dalam Pengiraan Nilai Aset Bersih Dana Sasaran

Terdapat kemungkinan wujudnya kesilapan dalam pengiraan nilai aset bersih Dana Sasaran. Sekiranya kesilapan itu berlaku, nilai aset bersih Dana Sasaran akan terjejas dengan itu, Dana Sasaran akan mematuhi peraturan yang ditetapkan dalam peruntukan peraturan berkaitan yang berkenaan dengan Dana Sasaran. Pampasan, jika ada, yang dibayar oleh Dana Sasaran (tertakluk kepada undang-undang bidang kuasa di mana Dana Sasaran itu bermastautin), akan dikreditkan kepada Dana ini sebagaimana dan apabila pampasan diterima.

Memandangkan perkara tersebut di atas, pemegang-pemegang polisi perlu sedar bahawa terdapatnya keadaan di mana baik Dana Sasaran mahupun Pengurus Dana tidak akan terikat untuk membayar pampasan kepada pemilik benefisial yang terakhir.

Risiko Kecairan

Risiko kecairan ini merujuk kepada dua senario. Senario pertama adalah di mana kecairan Dana Sasaran yang diperuntukkan adalah tidak mencukupi untuk memenuhi keperluan penebusan. Senario kedua adalah di mana Dana Sasaran merupakan dagangan kecil. Sekiranya pelaburan dalam Dana Sasaran merupakan dagangan kecil, ini boleh menyebabkan Dana Sasaran untuk melepaskan pelaburan tersebut pada harga yang tidak menguntungkan di pasaran dan boleh memberi kesan negatif kepada pelaburan pelabur. Risiko ini boleh dikurangkan melalui proses pemilihan keselamatan yang ketat.

Risiko Negara-Negara atau Sekuriti-Sekuriti Asing

Risiko ini berkaitan dengan pelaburan dalam sekuriti-sekuriti tersenarai atau bermastautin di negara-negara selain daripada negara mastautin. Sebarang perubahan-perubahan dalam asas ekonomi, kestabilan sosial dan politik, ketidakpastian atau perubahan dalam mata wang rasmi negara, pergerakan mata wang dan dasar pelaburan asing di negara-negara ini boleh meningkatkan turun naik dalam nilai-nilai aset, kecairan dan risiko kemungkiran yang mungkin

PRULink Global Growth Fund

Semua data seperti pada 31 Disember 2024 melainkan jika dinyatakan

mempunyai kesan ke atas harga-harga sekuriti yang dilaburkan oleh Dana Sasaran dan maka juga boleh menjejaskan nilai aset bersih Dana Sasaran.

Pelaburan di pasaran tertentu mungkin dihadkan atau dikawal. Di sesetengah negara, pelaburan langsung dalam sekuriti-sekuriti mungkin dilarang dan dihad disebabkan oleh keperluan kawal selia. Sekatan-sekatan ini boleh meningkatkan kos urus niaga dan memberi kesan negatif kepada kecairan sekuriti dan harga yang berkaitan dengan sekuriti.

Pengurus Dana Sasaran akan memantau dan memerhati perkembangan di negara-negara di mana aset-aset Dana Sasaran diperuntukkan. Di samping itu, Pengurus Dana Sasaran juga akan menggunakan proses pelaburan yang sistematik, yang merangkumi penilaian yang kerap, untuk menguruskan dan mengurangkan risiko ini.

Risiko Mata Wang

Pelaburan dasar Dana Sasaran ini mungkin berdenominasi dalam mata wang tempatannya, yang mungkin berlainan daripada mata wang Dana Sasaran. Prestasi Dana Sasaran mungkin dipengaruhi oleh pergerakan dalam kadar penukaran antara mata wang pelaburan dasar dan mata wang Dana Sasaran.

Risiko Caj-Caj kepada Modal

Caj-caj dan perbelanjaan Dana Sasaran adalah diambil daripada modal, secara keseluruhan atau sebahagian, menyebabkan kemungkinan kekangan pertumbuhan modal.

Sekatan pada Pelaburan Asing

Beberapa negara melarang atau mengenakan sekatan yang teguh pada pelaburan-pelaburan yang dibuat oleh entiti-entiti asing. Terdapat juga keadaan di mana pesanan pembelian kemudiannya gagal kerana peruntukan yang dibenarkan kepada pelabur asing telah diisi, melucutkan keupayaan Dana Sasaran untuk membuat pelaburan yang diinginkan pada masa tersebut.

Risiko Derivatif

Pengurus Dana Sasaran mungkin melabur dalam derivatif yang akan tertakluk kepada risiko. Walaupun penggunaan derivatif secara bijaksana oleh pengurus-pengurus pelaburan profesional boleh mendatangkan manfaat, namun derivatif melibatkan risiko yang berbeza daripada, dan dalam sesetengah hal, lebih tinggi daripada risiko yang terdapat dalam pelaburan sekuriti yang lebih tradisional. Antara risiko yang dikaitkan dengan derivatif ialah risiko pasaran, risiko pengurusan, risiko kredit, risiko kecairan dan risiko keumpulan. Pelaburan dalam derivatif mungkin memerlukan wang pendahuluan atau margin permulaan dan margin tambahan dengan notis yang singkat jika pasaran bergerak berlawanan dengan kedudukan pelaburan. Jika tiada peruntukan dibuat bagi margin yang diperlukan dalam tempoh masa yang ditetapkan, maka pelaburan itu mungkin dicairkan pada harga yang merugikan. Justeru itu, pelaburan dalam derivatif perlu sekali diawasi dengan rapi.

Pengurus Dana Sasaran mempunyai kawalan yang diperlukan bagi pelaburan dalam derivatif dan mempunyai sistem-sistem yang sesuai untuk mengawasi kedudukan derivatif bagi Dana Sasaran ini. Pengurus Dana Sasaran tidak berhasrat untuk menggunakan urus niaga derivatif bagi tujuan spekulasi atau keumpulan tetapi mungkin menggunakannya untuk pengurusan portfolio yang cekap dan/atau pengurusan risiko. Risiko mata wang merupakan salah satu risiko pasaran yang akan dihadapi oleh dana ini dan nilai boleh dilindung dengan menggunakan derivatif seperti kontrak depan/niaga hadapan pertukaran asing. Selalunya risiko mata wang pendasar mungkin ditanggung akibat membeli ekuiti atau bon pendasar. Jika Pengurus Dana Sasaran tidak mahu menanggung risiko mata wang yang dikaitkan dengan aset pendasar ini, Dana Sasaran ini boleh menggunakan kontrak Depan Pertukaran Asing untuk melindungi nilai sebarang risiko mata wang yang timbul daripada pemegangan kedudukan mata wang bukan asas. Pada dasarnya, penggunaan kontrak depan mata wang ini ialah untuk melindungi nilai dana daripada risiko mata wang dalam Dana Sasaran. Penggunaan kontrak depan

PRULink Global Growth Fund

Semua data seperti pada 31 Disember 2024 melainkan jika dinyatakan

pertukaran asing bagi aktiviti lindung nilai ini akan meningkatkan penambahan risiko operasi dan garis panduan dan mereka dinyatakan dalam butiran terperinci dalam lampiran bagi derivatif pengurusan risiko serta prosedur penggunaan, di mana mata wang lindung nilai adalah subset.

Senarai di atas tidak sepatutnya dianggap sebagai senarai risiko-risiko yang lengkap, yang perlu dipertimbangkan oleh pemegang polisi sebelum membuat pelaburan dalam Dana. Pemegang polisi sepatutnya sedar bahawa sebarang pelaburan di dalam Dana mungkin terdedah kepada risiko-risiko lain dari semasa ke semasa.

Pengurusan Risiko

Risiko Peramalan

Risiko yang berpotensi diambil kira dalam proses peruntukan sektor dan pemilihan saham berdasarkan analisis dalam pelbagai faktor utama seperti keadaan ekonomi, kecairan, aspek kualitatif dan kuantitatif sekuriti.

Kawalan Sistem

Parameter risiko ditetapkan secara dalaman bagi setiap dana, bergantung kepada profil risiko pelanggan. Parameter risiko termasuk had pertaruhan penerbit, penerbit kumpulan, ketarafan sektor dan saiz terbitan sekuriti yang dipegang dalam portfolio.

Sistem pejabat depan ditempatkan untuk memantau risiko portfolio, bertindak sebagai penapis automatik untuk sebarang had-had atau pelanggaran.

PRULink Global Growth Fund

Semua data seperti pada 31 Disember 2024 melainkan jika dinyatakan

Maklumat Lain

- Pasaran Sasaran

Dana ini sesuai untuk Pemegang-pemegang polisi yang:-

- Mencari peningkatan modal yang tinggi dalam tempoh pelaburan jangka masa panjang.
- Mempunyai toleransi risiko yang tinggi.

- Dasar & Kekerapan Penilaian Unit

- Penghargaan unit dibuat setiap hari perniagaan.
- Harga unit bagi Dana ini pada sebarang Tarikh Penilaian hendaklah bersamaan dengan nilai dana dibahagikan dengan bilangan unit yang dikeluarkan pada Tarikh Penilaian.
- Nilai Dana ialah nilai semua aset Dana **PRULink Global** selepas pemotongan belanja bagi pengurusan, memperoleh, pengkekalan dan penilaian aset Dana, cukai atau levi mengikut undang-undang yang ditanggung oleh Prudential Assurance Malaysia Berhad ("Prudential") ke atas pendapatan pelaburan atau keuntungan modal aset dana dan sebarang pendapatan terakru atau dijangkakan.
- Prudential akan menilai pelbagai Dana-dana **PRULink Global** pada akhir hari perniagaan (Tarikh Penilaian). Walaubagaimanapun, nilai pelaburan Dana-dana **PRULink Global** dalam syer, sekuriti faedah tetap dan instrumen pasaran wang pada akhir suatu Tarikh Penilaian hanya akan diketahui satu hari perniagaan nanti, Harga Unit dana **PRULink Global** akan ditentukan oleh Prudential pada suatu Tarikh Penilaian hanya akan dibuat dan diberitahu kepada Pemegang Polisi selepas 2 hari perniagaan nanti (T+2).
- Untuk mendapatkan balik kos memperoleh dan membuang aset-aset, pembetulan kos urus niaga mungkin dibuat kepada nilai dana untuk memulihkan sebarang amaun di mana Dana ini telah atau dijangka untuk membayar bagi penghasilan dan pembatalan unit-unit.

- Keadaan-keadaan Luar Biasa

- Prudential tidak dipaksa untuk menebus atau menukar pada Hari Penilaian lebih daripada 10% daripada mana-mana Dana **PRULink Global** yang lebih pada suatu Hari Penilaian.
- Prudential juga berhak dalam keadaan pengecualian (sebagai contoh, apabila terdapat jumlah besar jualan pelaburan jangka masa yang pendek) untuk menangguhkan penukaran atau penebusan Unit-unit dan penyerahan Polisi untuk tempoh tidak melebihi enam (6) bulan dari tarikh permohonan.
- Prudential mungkin menangguhkan penghargaan unit dan urusniaga polisi jika mana-mana penukaran di mana dana dilaburkan ditunda dari berdagang untuk sementara. Dalam keadaan tersebut, suatu notis untuk penangguhan mungkin diterbitkan dan mungkin diberitahu kepada orang diinsuranskan apabila tokokan, penukaran, penebusan atau pengeluaran ke/dari mana-mana Dana **PRULink Global**.

Senarai keadaan-keadaan luar biasa di atas tidak lengkap. Sila rujuk kepada dokumen polisi anda untuk butir-butir yang lengkap.